



GIG
CYMRU
NHS
WALES

Partneriaeth
Cydwasaethau
Shared Services
Partnership

WNWRS User Guidance

System Adrodd Genedlaethol y Gweithlu
(WNWRS)

Mynediad a Chymorth



Fersiwn 2

Cyhoeddwyd: Medi 2023



GIG
CYMRU
NHS
WALES

Partneriaeth Cydwasaethau
Shared Services Partnership

Os oes gennych unrhyw ymholiadau, mae croeso i chi gysylltu â ni ar:

Ffôn: 01792 860544
E-bost: NWSSP.PrimaryCareWNWRS@Wales.nhs.uk

Gallwch fynd i'n gwefan ar: <http://www.nwssp.wales.nhs.uk>

Cynnwys

Gwybodaeth am System Adrodd Genedlaethol y Gweithlu	3
Sut i Gael Mynediad at System Adrodd Genedlaethol y Gweithlu (WNWRS)	3
Caniatâd Mynediad	3
<i>Contractwyr Gofal Sylfaenol.....</i>	3
<i>Sefydliadau'r GIG</i>	3
Mewngofnodi i WNWRS	4
Gwefan System Adrodd Genedlaethol y Gweithlu / Cysylltu â Ni	4
Adnoddau a Chymorth	4

Gwybodaeth am System Adrodd Genedlaethol y Gweithlu

Mae dau fodiwl i System Adrodd Genedlaethol y Gweithlu:

1) Ym modiwl adrodd data System Adrodd Genedlaethol y Gweithlu (WNWRS) gall practisiau cyffredinol ychwanegu gwybodaeth am eu gweithlu, i gyflawni'u gofynion ar gyfer y Set Ddata Sylfaenol (MDS).

- Dilysu i helpu'r defnyddiwr fewnbynnu gwybodaeth
- Mewnbynnu holl gofnodion staff ar un dudalen, gan leihau'r gofyniad i deithio trwy sgriniau
- Swyddogaeth i drosglwyddo cofnod staff i Bractis newydd

2) Mae'r modiwl adrodd yn cynnwys cyfres o adroddiadau sydd â data cyhoeddedig, anhysbys, am y gweithlu, wedi'i ddarparu gan gontractwyr. Mae swyddogaethau'r modiwl yn cynnwys:

- Y gallu i addasu adroddiadau yn ôl gofynion y defnyddiwr, ar sail y grŵp staff, rôl aelodau staff, oedran, rhywedd ac ati.
- Mae adroddiadau ar gael ar lefel Contractwr, Clwstwr, Bwrdd Iechyd a Chymru
- Y gallu i Gontractwyr unigol lawrlwytho eu data eu hunain mewn fformatau gwahanol
- Siartiau i'w lawrlwytho a data ategol
- Adroddiadau ansawdd data i amlygu practisiau sydd â phroblemau ansawdd data yn gyflym ac yn hawdd

Sut i Gael Mynediad at System Adrodd Genedlaethol y Gweithlu (WNWRS)

Dylid cyfeirio unrhyw geisiadau newydd am fynediad at WNWRS at nwssp.primarycareWNWRS@wales.nhs.uk gan ddyfynnu 'Cais Mynediad at WNWRS' yn llinell pwnc y neges e-bost. Hefyd, dylech gynnwys enw'r sefydliad rydych chi'n gweithio iddo, er mwyn rhoi'r caniatâd cywir.

Caniatâd Mynediad

Bydd pob defnyddiwr yn cael mynediad at y Modiwl Adrodd ar ôl cofrestru ar gyfer WNWRS.

Contractwyr Gofal Sylfaenol – bydd defnyddwyr o Gontractwyr, y mae'n rhaid iddynt gofnodi a chynnal data am eu gweithlu yn WNWRS, yn cael mynediad hefyd at y modiwl Adrodd Data, ond byddant yn gallu cael at wybodaeth am y practis(iau) y maent yn gyfrifol amdanynt yn unig.

Sefydliadau'r GIG – bydd defnyddwyr o sefydliadau eraill yn cael mynediad at y Modiwl Adrodd yn unig, gan fod hwn yn seiliedig ar ddata cyhoeddedig, anhysbys. Fodd bynnag, gall defnyddwyr Byrddau Iechyd wneud cais am fynediad at bractis enghreifftiol.

Mewngofnodi i WNWRS

Bob tro y byddwch yn mynd i WNWRS (www.nwrs.wales.nhs.uk), bydd rhaid i chi roi eich cyfrinair. Sylwch, bydd eich sesiwn mewngofnodi yn dod i ben ymhen amser, am resymau diogelwch, ac felly bydd angen i chi adael a mewngofnodi eto.

Os byddwch yn anghofio'ch cyfrinair, cliciwch ar “*Wedi anghofio'ch cyfrinair*”, sydd ar waelod ochr dde adran Mewngofnodi fel Defnyddiwr Cofrestredig ar y dudalen fewngofnodi. Yna, rhwch eich cyfeiriad e-bost ym maes ‘Enw Defnyddiwr’ a chlicio ar y botwm i ‘Anfon Dolen Ailosod Cyfrinair’. Anfonir e-bost awtomataidd yn cynnwys dolen i ailosod eich cyfrinair i'ch cyfeiriad. Os na chewch e-bost, edrychwch yn eich ffolder negeseuon sothach yn gyntaf yna cysylltwch ag NWSSP.PrimaryCareWNWRS@wales.nhs.uk, os na allwch ddod o hyd i'r e-bost.

Pan fyddwch yn cofnodi'ch manylion cofrestredig am y tro cyntaf, gallai eich porwr eich annog i arbed eich cyfrinair. Argymhellir **nad** ydych chi'n dewis yr opsiwn hwn oherwydd natur gyfrinachol y data a'r wybodaeth yn y system, y gallai defnyddwyr eraill gael atynt.

Ar ôl mewngofnodi i'r system, os oes gennych fynediad at fodiwl Adrodd Data WNWRS, byddwch yn gweld Golwg Gyffredinol ar y Staff ar gyfer eich maes cyfrifoldeb. Os oes gennych sawl maes cyfrifoldeb, gallwch symud rhwng y sefydliadau drwy ddefnyddio'r gwymplen ar ochr dde uchaf y dudalen Golwg Gyffredinol ar y Staff .

Os na welwch dudalen Golwg Gyffredinol ar y Staff ar ôl mewngofnodi i WNWRS, ond dylech gael mynediad at y modiwl Adrodd Data, cysylltwch ag NWSSP.PrimarycareWNWRS@wales.nhs.uk, gan ddyfynnu ‘Problem Mynediad at WNWRS’ ym maes pwnc y neges e-bost.

Gwefan System Adrodd Genedlaethol y Gweithlu / Cysylltu â Ni

Ewch i dudalen we bwrpasol [gwybodaeth am System Adrodd Genedlaethol y Gweithlu](#), sy'n cynnwys canllawiau a rhagor o wybodaeth am y system.

Os ydych chi'n cael anawsterau ag WNWRS, cysylltwch â'r tîm:

E-bost: NWSSP.PrimaryCareWNWRS@Wales.nhs.uk

Ffôn: 01792 860544

Adnoddau a Chymorth

Ar y dudalen Adnoddau a Chymorth fe welwch ddolen i'r canllaw defnyddiwr hwn, yn ogystal â dolenni i gyhoeddiadau blaenorol.

Gallai help a chanllawiau pellach gael eu hychwanegu o dro i dro.